

續資治通鑑長編
(136冊)



續資治通鑑長編卷三百四十九

宋 李燾 撰

神宗

38

元豐七年冬十月丁卯朔詔支末鹽鈔三十萬緡付河東路轉運司市糧草 詔湖南邵州武崗縣減將下防拓等手二百以其錢糧募土人入溪峒從鈐轄司請也御史蹇序辰乞令諸路提點刑獄司每季具以論決詳覆大辟事狀以聞付刑部注籍點檢案治失誤詔提點刑獄司季申刑部

戊辰點檢諸陵器物所言安陵東有青龍河越數小澗用透槽行水可以徧及三陵下宮於熙陵之西退入白虎澗達于洛下太史局以爲不可從之 詔景靈宮管

勾內品雷迪罰銅十斤送西京灑掃班坐欲移用美成殿奉祠物及應宿不直也

己巳駙馬都尉錢景臻對因謝父知鄆州暄除寶文閣待制上曰暄爲郡有聲朝廷自以才用又謝子忱賜名

上曰主賢宜有子也其勉以學

九月戊午中散大夫知鄆州錢暄除寶制

同經制熙河蘭會路邊防財用馬申言糴買全在冬春

之交乞十月後印給次年鹽鈔限正月至本路戶部言

若本路豫得鈔招誘入中牽制秦鳳等四路鈔價乞依

秦鳳等路吏部差使臣於正月下旬押赴經制司從之

詔涇原鄜延兩路發赴城寨堡鎮防秋諸軍比諸路

特早並與特支錢

十一月四日可考

庚午大名府路安撫司言近以修閉水口發德博州夫

萬二千今水口已塞欲因此夫修廂軍營及築上下水
關詔食庫館驛舍等令轉運司依先降指揮其修城令
安撫司具實用人功以聞 權開封府界提點范岫等
言諸縣尉專捕草市賊盜及通管縣務歲下鄉常以百
數若省縣尉恐一主簿不能辦事乞依舊存畱從之
吏部言宗室子漪換通直郎年十八宗室授殿直者二
十聽出官無文資法詔子漪候年二十許出官 詔支
錢鈔二十萬緡付河北轉運司市糧草

壬申詔河東經略司近諸處雖有牒報卽非大點集其

葭蘆吳堡寨守禦保甲可放散 是日西夏犯涇原民

多以火死

二十二日奏

先是殿中侍御史翟思言知樞密

院韓縝受知石州文思副使燕復所遺馬一匹市價二

百千緡償以四五十千開封府界保甲司勾當公事右侍禁楊嵩亦嘗遺緡馬一匹價直與復之馬等而緡亦以三四十千買之以與兄絳詔緡分析於是緡言知石州燕復嘗爲臣買馬令其子孝嗣言元買券直絹四十匹臣先以銀十兩償孝嗣道里費許償以山東絹八十匹又侍禁楊嵩自言入西界得一馬駒欲賣爲路費臣諭通直郎李士京以三十千買之後士京云馬不可乘又患疥瘙今欲各付其主手詔緡因買馬以致人言辨析厥初契約咸在朕豈以一眚督過大臣宜特釋罪後三日思罷侍御史試國子司業翟思言緡在九月二十日并書之是日十月六日西夏寇靜邊寨將官彭孫擊卻之此據御集追書仍附注御集二事涇原路將官彭孫下初六日靜邊寨捍賊有勞曾出戰漢番兵員可等第與

特支楚軍七百文人員增上廂軍兵民蕃兵五百增上
準此仍降指揮下走馬承受龐卡喝賜所有得功人仰
經略安撫司疾速保明間奏元豐七年十月十五日下
又賜劉友端勘會今月六日涇原路靜邊寨駐劄將官
彭孫等禦捍夏國大兵功狀顯異兼熙河路定西城守
禦大兵不多及經略安撫制置司已有排辦下準備賞
罰銀盜不少可以支用得足仰限指揮到除將帶去銀
盤二千隻依已得指揮俵散外餘三千隻更不得卸納
依舊用元打角車子裝載躬親前去涇原路計會盧秉
推排當日諸將元出戰馬軍人給一隻依熙河路會盧
令裝載以賞異功即不得夾雜無勞人在內仍宣諭盧
秉靜邊若非經略安撫使預備有方必不能致是推沮
賊鋒安靜一道候宣
諭俵散訖疾速赴闕

甲戌詔石州葭蘆吳堡兩寨各置水軍一指揮以百人
為額 詔供備庫副使知會溪城王令宣追一官勒停
坐擅殺官牛與蠻立誓取公使庫無名額錢悔過以償
也

乙亥給事中韓忠彥為禮部尚書忠彥入謝上諭曰先

令公之勲朕所不敢忘卿復盡忠朝廷此未足以酬卿

也上文彥博私記云王珪謂遷忠彥太峻獨蔡確左右之

婚故得確此當考中書舍人兼侍講蔡卞試給事中朝奉郎

守起居郎楊景略朝散郎守左司郎中錢勰並為試中

書舍人免召試景略勰奉使高麗方還在道並擢之

詔應歿於王事補授人並許依舊條指射差遣又詔內

藏庫支綢絹各五十萬匹於熙河經略司封樁涇原

路經略司言蕃官告諭部族買戰馬賞絹撫養庫闕錢

詔於鳳翔府封樁李元輔經制絹內給萬匹詔劉昌

祚西賊大兵已寇熙河路其鄜延路守禦保甲速詳度

放散以聞新紀書乙亥夏人寇熙州舊紀不書

丁丑吏部言經制變運川峽路常平積剩錢所增息錢

二百三十二萬緡乞推恩詔李元輔遷兩官吏君俞張
茂先候改官日各遷一官減磨勘年有差 詔殿前司
馬軍年四十以上武藝不及二等者給限一季習學限
外藝不進轉支馬與闕馬教頭 詔諸路封樁闕額禁
軍錢穀並依元豐令隨市直變易其不得減過元糴納
價法除之 光祿卿呂嘉問言近者牛羊司典吏李璋
犯乞取贓已論決竊惟朝廷捐數十萬緡行一重法於
天下欲得吏清政平待之固已至矣而無忌憚之吏已
漸弛於法行之初蓋由本法與錢之人纔減取錢之人
二等乞定河倉法斷遣刑名自陳告首之賞與引領過
度一切如舊外其行用者止以不應得爲坐之下刑部
參詳其與若許者依律得罪或依在京請求非法公事

條得在罪重并官員在京行用非請求曲法不坐并輸
稅人行用非覽納及行求枉法者不坐之類並依本條
外乞如嘉問所定從之

戊寅詔廣西經略司勾當公事連州軍州推官譚挾特
改京官權通判邕州經略使熊本薦也 賜軍器監度

僧牒千市材料

詔定西城守城漢蕃諸軍并百姓婦

女城上與賊鬪敵者人支絹十匹運什物者七匹城下
供饋雜役者男子五匹婦人三匹

庚辰詔廣西進士黎易從陳蒙特免將來文解以入黎

峒說諭陳被被等歸明故也

張頴傳有陳被事迹當考

詔饒州童

子朱天申對於睿思殿賜五經出身天申天錫再從兄

禮部言天申年十二試誦十經通也

四月丁丑天錫見

辛巳朝獻景靈宮

癸未密州商人平簡爲三班差使以三往高麗通國信也

福建路轉運副使王子京言建州臘茶舊立權法商賈冒販利甚厚自熙甯三年官積陳茶遂權聽通商自此茶戶售客之茶甚良官中所得惟常茶稅錢極微南方遺利無過於此乞仍舊行權法建州歲出不下三百萬斤南劍州亦出二十餘萬斤欲盡買入官度逐州軍民戶多少及約鄰路民之數計置卽官場賣嚴立告賞禁建州賣私末茶借豐國監錢十萬緡爲本並從之所乞均入諸路權賣委轉運司官提舉福建王子京兩浙許懋江東杜偉江西朱彥博廣東高鑄

御集載于京奏云權賣臘

茶所收淨利不減鹽課當考八年二月七日并權通商地分元祐元年二月二日依舊通商食貨志第五卷七

年福建路轉運副使王子京言建州舊榷臘茶而商賈
昌販獲厚利熙甯三年官茶陳積乃聽通商自此茶戶
以善茶售賈人官所得皆下稅錢為耗請榷之便建州
歲出茶不下三百萬斤南劍州亦二十餘萬官盡買之
度逐州及鄰路當用數為多寡均與榷賣委轉運官一
員領之以助經費園戶亦便假豐國監錢十萬緡為本
並從之如是兩浙江東西廣西路皆委官而福建以委
子京其法盡索種茶民使自占歲造茶數悉賣於有司
而重禁福建兩浙江南東西廣西之鬻建茶者明年戶
部言子京又請禁兩浙江南廣東茶詔惟畿南陝西路
通商餘皆為榷茶地云

乙酉上批知青州鄧綰言本路夏秋豐稔米斗直五七
錢未知虛實宜令京東西路提舉司具州縣米穀市價
以聞既而綰言昨以秋成故奏菽粟斗六七錢今慮提
舉司奏物價稍增乞照察上以綰佞知其初奏不實也
禮部員外郎何洵直言伏見永昭陵下宮帝后神御
同幄朔望上食時節並同薦獻安陵合祔昭憲皇后其

下宮惟有宣祖神御及永昌永熙永定陵下宮各無諸
后神御大節帝后異宮酌獻朔望上食等特酌獻帝一
位而諸后皆不豫饗乞並於下宮同幄奉安詔諸后止
設位牌同酌獻 樞密言西賊近寇熙河涇原勢已敗
北深冬苦寒必不能大舉奔衝涇原秦鳳防秋軍馬並
在極邊坐耗芻粟欲委經略司審度抽兵各歸近裏從
之以陝西轉運司言賊退乞減邊兵也

丁亥詔應職事官以除授先後爲序同日除者以寄祿
官 上批今月丙戌大理寺開封府見禁罪人以千數
勘結濡滯如此歲將大寒可令晝夜結絕無久繫畱先
是賜獄囚食有司以數聞故申敕之

戊子敕交趾郡王乾德省廣南西路經略司奏昨準朝

命安南奏以溪峒勿惡勿陽等州峒疆至未明令本司計會本道差職官辨正今準安南報差黎文盛等至邊界已辨正乞降詔旨付安南遵守向觀奏牘陳敘封疆特命邊臣計議辨正卿保膺寵祿世載忠純欽奉詔旨申飭官屬分畫州峒本末以明勿惡勿陽二峒已降指揮以庚儉邱矩叫岳通曠庚巖頓利多仁勾難八隘爲界其界外保樂練苗丁放近六縣

六縣下恐有脫字時政紀亦然

宿桑

二峒並賜卿主領卿其體此眷私益懷恭順謹遵封約勿縱交侵初熙甯十年乾德言乞詔回大兵卽遣使謝罪奉職貢詔從其請令安撫司遣人畫定疆界而宣撫使郭達以爲昨大軍至富良江交趾納欵日僞文思使矯文膺已嘗議定大兵所至卽是封疆令太平寨主成

卓往分畫元年乾德遣使陶宗元入貢乞四州上詔令
交趾盡歸所略邕欽廉三州人口卽給廣源等州而交
趾所送人口二百有六年十五以上額刺曰天子兵二
十以上面刺曰投南朝婦人左手刺曰官客安撫司復
索三州官吏婦人而交趾固稱無有以故久之不決五
年九月交趾知上源州楊壽安寇歸化州宿兵謀入順
安等七州峒歸化州故勿陽峒穴也而知邕州西京作
坊使劉初以爲皆廣源州故地開寶中廣源道坦綽儂
民富願以管下古耽覆和十州比七源蠻內附輸稅朝
廷授民富以官知廣源州事後雖因劉紀納土朝廷以
通儂州賜智會智會民富之宗也交人無厭失信妄動
不若因此處置以息將來邊患而交人以爲昨采銅於

勿陽峒卽不知有歸化州經略司熊本亦言嘉祐中儂宗旦以勿惡等峒歸明賜名順安州治平中儂智會以勿陽峒歸明賜名歸化州今儂氏所領州峒初不隸南平而歸化等州係江右控扼咽喉之地制御交趾大理九路白衣諸蠻之要路乞詔交趾詰其侵犯歸化州之故及令盡還略去生口絕其長惡未萌之心是歲成卓鄧闢乃與南平使黎文盛阮陪定議如十月己巳詔書而黎文盛寓書熊本曰成卓言上電下雷溫潤英遙勿陽勿惡計城貢淥頻任峒景思苛紀縣十八處從南畫界以爲省地陪臣小子惟命是聽不敢爭執然儂氏所納土皆廣源之屬也幸遇聖朝萬政更張何愛此磽确瘡癘之地不以回賜本道存庇外臣或曰昨王師所取

者當還其守吏挈而歸明者難復也文盛以爲土有主
屬守吏挈而逃去盜主之物也主守自盜不赦之賊盜
物寄贓法亦不許況可汚於省籍乎而本及卓以文盛
雖有求地之言然又言惟命是聽不敢爭執以爲大意
已定故降詔焉六月四日壬申八月二十二日可考舊
其分畫交趾界以六縣二峒賜之新紀但書詔分畫云
云密院時政紀有辯正事四段今附此七年八月七
日令熊本勒成卓等供析黎文盛等公牒及面議並不
曾言懷宗旦所納州峒等因何便乞降詔并恩錫具詣實
歸着八月十七日照據及因何便乞降詔并恩錫具詣實
間奏八月十七日照據及因何便乞降詔并恩錫具詣實
溪峒若係省地請供申經略使衙門奏朝廷惟聽回詔
指揮等事擬定欲令熊本子細看詳成卓等前後所申
或本官已到本司即當司審問及詳黎文盛累次公牒
并對答詞意如有可執據委是分明交人將來得詔不
致反覆即具結狀保明聞奏八月二十日熊本奏成卓
等申黎文盛將出公狀於勾陽順安等處給賜交趾詔書
并賜黎文盛阮陪物色敕書進呈八月二十三日昨爲

寶貴台直監誌編
卷三百四十一
八